

Aschi sempel sco genial ed empauet absurd

«Be a Genius» – endisch projects da giuvenils ein vegni premiai a Mustér

DA SUSI ROTHMUND / ANR

■ **La «BZS App», ina app per causas organisatoricas e per controlla da notas pils scolars dil Center da formaziun Surselva, ei in project da Noah Fetz da Domat. Cun sia idea innovativa ha el perschadiu la giuria dalla concorrenza «Be a Genius» – lantschada en connex culla EX18 a Mustér – e gudignau igl emprer premi dotaus cun 2000 francs.** L'idea per la concorrenza – ch'ei sedrizzada a persunas giuvas tochen 30 onns – ei vegnida da Rita Huonder, la presidenta dil comite d'organaziun dall'EX18. A caschun dalla premiaziun, ch'ha giu liug il venderdis sera ella sala Kaiser dalla claustra a Mustér, ha ella puntuau l'impurtonza da persunas cun visiuns ed ideas per in bien avegnir dalla regiun. Persunas giuvas che veglien restar ella patria duegien buca stuer ir ella Bassa per haver in bien avegnir. Che la Surselva ha senz'auto persunas giuvas cun bunas ideas realisablas ni era cun visiuns magari exageradas e forsas absurdas ei semussau il venderdis cu ils endisch projects ein vegni presentai. Per in bien avegnir drova ei innovaziun e sco *Edgar*

Durschei, il president dalla suprastanza dall'Uniu da commerci e professiun Mustér, ha declarau fagend allusiun ad in citat d'Albert Einstein astgan ideas innovativas era esser empau absurdas: «Sch'ina idea para buca absurda all'entschatta, lu dat ei negina speranza per ella.»

Ideas genialas

Das ideas innovativas ch'ei gia realisadas e sin buna via ein stadas sil program dalla sera. Aschia han ils films da DHD Media, la giuvna interpresa da Mustér ch'exista dapi il 2017, dau investa da quei ch'ei curriu e passau a caschun dall'EX18. DHD Media, quei ein ils treis students *Gian-Andrea Huonder*, *Niels Deragisch* e *Martin Defuns* ch'han gia detg bien success cun lur interpresa giuvna. Plinavon ha *Johannes Hofer* presentau l'idea ch'el e dus constudents han giu. Nummadamein da realisar in steamer purtabel. Els han fundau ina societad acziunara, schau patentar il steamer e schurmegiar ils dretgs da design. Maunca mo aunc la produziun all'engronda da lur «Steasy» e per quella tscherchan ei uss investurs. Bia daners e lubientschas duvrass ei era per realisar entgens dils projects inoltra a «Be a Genius».



La giuria cullas giuvas ed ils giuvs ch'ei vegni premiai el rom dalla concorrenza «Be a Genius». Ina concorrenza che duei anflar cuntinuitad.

FOTOS S. ROTHMUND



Tenor Maurus Fry e Flurin Jacomet (da sen.) ei il spital dil militar a Mustér in liug adattau per realisar in Center da datas Mustér.

Mo tgisà, forsà ein perfin il kino dad autos ed il parc da divertiment sur Glion in di realitad. Ils anials da metal da *Serafin Bundi* (4. rang) vegnan en mintga cass gia purtai ed era l'idea dallas soras *Valeria* ed *Alina Hendry* «Valysart» (3. rang) ei gia realisada e lur moda anfla cumpraders.

Dil spital al center da datas?

Serafin Beer, *Sebastian Fröh* e *Marco Blumenthal* ein stai ella giuria dalla concorrenza «Be a Genius» ed han valetau ils projects inoltra tenor la lavur a scret e la presentaziun. Tenor Beer seigi ei magari stau sco da cumparegliar meila cun péra damai ch'ls projects erien immens differents. Il victur *Noah Fetz* ha oravontut perschadiu la giuria sco persuna. Avon ch'el frequenti la scola a Glion eis el staus in onn alla scola cantunala a Cuera e leu dev'ei ina semeglionta app pils scolars. «Quella app da quintar la media da no-

tas ed auto ha muncau a mi a Glion e perquei hai jeu giu l'idea da realisar mez ina app», ha Fetz declarau il venderdis. «El ha priu a pèz in problem ed anflau ina sligiazun. Quei ei exact quei ch'ei drova, persunas che fan e concretiseschan», ha Beer puntuau en discurs cun l'Agentura da novitads rumantscha. Per «absolut geniala» taxescha el era l'idea da *Flurin Jacomet* e *Maurus Fry*. Ils scolars dil gimnasi dalla claustra han inoltra il project da realisar egl anteriur spital da militar che s'auto alla claustra il Center da datas Mustér. Ils mats han gia contactau sorprenders potenzials dil project e sche tut mondi bein sappien ei s'entpar il mars cun persunas dil fatg dalla Sunrise. Dalla giuria han ei era survegniu il tip da contactar firmas sespecialisadas sin segirtad che savessen surprendre il project. Ch'ls giuvs san buca realisar sezs lur idea ei evident. Ei quantan cun cuosts da

ver 20 milliuns francs per la realisaziun. Ils responsabls dalla claustra han ei secapecha contactau e lezs fussen da principi aviarts da vender il spital per quei intent. «Nus fagein ussa la matura e suenter in studi aschia che nossas capacitads tonschan buca», ha Jacomet manegiau riend. Ei sappien silpli survir sco persunas da contact. Duessi il Center da datas Mustér denton daventar realitad profittassien ei secapecha era sch'in tal project vegnessi realisau ella regiun. Las ideas mauncan en mintga cass buca a Jacomet e Fry e sco els han tradiu – mo quei han ei buca ughegiau da dir duront la presentaziun – fussen era bunkers vits dil militar adattai sco centers da datas, e tals ha ei en abundanza. «L'idea sco tala ei fenomenala ed els han fatg bia patratgs», ha Beer declarau. Era el spera ch'il center da datas possi vegni realisau: «Quei fuss ina gronda causa pil futur da nossa regiun.»

La rolla dalla baselgia ella politica

Fundau ina grupp che differenziescha e postulescha

DA GIUSEP CAPAUL

■ **Il president dalla Partida cristian-democratica svizra, cuss. naz. Gerhard Pfister, e la politica liberala e teologa friburghesa, Béatrice Acklin Zimmermann, han fundau – ensemen cun diversas personalitads dil stadi e dalla baselgia – in schinumnu «Thinktank baselgia e politica». Thinktank ei in auto plaid per «Denkfabrik».** Centralme in va ei per perscrutar, sviluppar e valetar strategias e concepts politics, socials ed ecumenics ed aschia influenzer il meini public. El visier han ins priu specialme in la relaziun denter baselgia e politica. Ch'ls auturs criticheschon ils representants e plidaders dallas baselgias, ni meglier detg lessen metter si ad els buccari en causas politicas ha per dabi buca plaschiu a tuts. Ad els ei vegniu renfatschau d'esser

unilaterals ed ei ha gia dau nauschas reacziuns.

Co seposiziuneschan ils iniziants?

Ils iniziants han criticau fetg ils representants dallas baselgias che prendien lur autoritad en damondas politicas dad ina pussonza superiura (Diu) per dir tgei ch'ei gest u falliu. Ein quels che seposiziuneschan politicame in auto che las instanzas ecclesiasticas menders catolics?, aschia vegn dumandau. Vitier vegni era ch'ls ecclesiasts enconuschien mal ils dossiers politics. Ei dat biars cristians che van buca d'accord cun la posiziun dils iniziants.

Era il president dalla pcd svizra ei dil meini che las baselgias vegnien savens buca cussegladas bein. Ei mondi semplame in buca da far politica cun normas biblicas. Enstagl da prender politicame in posiziun seigi savida etica dumandada enstagl morala.

Reacziuns vehementas

Tenor il plevon evangelic dil Grossmünster a Turitg, ser *Christoph Sigris*, ein las posiziuns politicas dallas baselgias a biars buca d'engrau. Beneventau vegn denton che politichers fan damondas davart la rolla dalla baselgia ella debatta politica e societara. Ellas dueien s'engaschar cun dapli etica che morala. Al parsura dalla pcd vegn renfatschau d'esser per ina teocrazia fundamentalistica sch'ls uestgs semischiedien en damondas politicas.

Ils auturs argumenteschon pli fetg cun frusas che tras fatgs. Quella grupp da reflexiun stoppi mussar tgei ch'ella vegli. Igl intervegniu dad els tochen dacheu demuossi clarame in unilateralitad. Mintgacass eisi indicau che las baselgias intervegnien cu ei mondi per humanitad e responsablad. Mo ellas astgan buca prescriber co igl ei da votar. Sche la basel-

gia pren politicame in posiziun sto ella saver ch'ell ei mo ina vusch denter biaras.

Ils menaders dallas baselgias, sco uestg *Felix Gmür* e ser plevon *Sigris*, acceptan buca ch'ins scamondi ad els da prender posiziun. Ellas s'orienteschon tuttavia buca tenor ina posiziun politica, mobe in secund la cardientscha. Ins seriscuda encounter tals politichers che vulan scumandar allas baselgias da s'exprimer. Cardientscha seigi buca ina causa privata, mobe in s'audi tier la cuminonza religiusa ch'ei adina publica.

Als iniziants vegn era renfatschau ch'els dettien allas baselgias en lur greva situaziun ed a beinenqual ecclesiastic bravame in ellas costas. Ins sedamondi era tgei ch'il president dalla pcd hagi bein patertgau cun criticar las baselgias gest en in onn electoral. Sin quella damonda hagi el buca reagiu. En nies temps nua che la muntada dallas baselgias tschessi ed

adina pli paucs mondien en baselgia sto quella tuttina haver la pusseivlad da s'exprimer. Las baselgias sappien buca pli cumandar co votar, mobe in duessen bein astgar far valer lur optica per decisiuns politicas. Deplorau vegn, schizun da vart protestanta, che las cumissiuns social-eticas, ton dalla Conferenza episcopala svizra sco dall'Uniu evangelica svizra, seigien buca el cass dad astgar s'udir dapi in liung temps.

Buca stau prudent d'agir aschia

La fundaziun d'in «Thinktank baselgia e politica», ella fuorma unilateral presentada, procura per contraversas principialas che restan probabel buca senza reacziuns e consequenzas negativas. Ella contribueschan fetg pauc da catter in modus vivendi raschuneivel u schizun in consens denter baselgia e politica. Mintgacass fuss ei da sperar che quei daventass.

reclama

KAUFE IHR FAHRZEUG
Alle Marken
Auch für Export und Unfallfahrzeuge
Km und Zustand egal
081 252 28 29
079 772 54 07
www.auto-aria.ch

Schütze die Welt, in die unsere Kinder geboren werden.



Gemeinsam für ein gesundes Klima.



erotik.suedostschweiz.ch

Bin nicht hübsch, aber heiss! Sofort Sex bei Leni. 078 840 18 87 www.richtigeseite.ch

Willst du lernen, wie man eine Zeitung produziert?

Informationen für Lernende unter www.grafischeberufe.ch

viscom